



Ee mwe Mtume jwa Mlungu, une nganindeka sambi jine jilijose jamwana nanta muno jekulungwa nakaweje kuti najitesile". Ni Mtume watite kuti : "Ana ngawa mwe mwaichile umboni kuti pangali jwine jwakutindiwalidwa mwa chakuona niyikaweje Mlungu jumope basi nikuti soni Muhammad awele Mtume jwa Mlungu?

Ngani jikupitila kwa Anas-Mlungu asangalale nawo-wawatite kuti: Mundu jwine jwawiche kwa Mtume-chanasa ni utendele wa Mlungu ijaule kwa Mtumejo-ni watite kuti:"Ee mwe Mtume jwa Mlungu, une nganindeka sambi jine jilijose jamwana nanta muno jekulungwa nakaweje kuti najitesile".Ni Mtume watite kuti : "Ana ngawa mwe mwaichile umboni kuti pangali jwine jwakutindiwalidwa mwa chakuona niyikaweje Mlungu jumope basi nikuti soni Muhammad awele Mtume jwa Mlungu?Mtume jwawechete katatu malowe gelega.Mundu jula jwajitiche kuti: elo isyene. Mtume wawechete kuti: "Malowe gelego tigasimasya sambi syelesyo".

Mundu jwine jwawiche kwa Mtume-chanasa ni utendele wa Mlungu iwe pa Mtumejo-mundujo ni jwatite kuti : Ee mwe Mtume jwa Mlungu! nditu une mbanganyisye sambi ni ilewi yosope,pangali sambi ja mwana nantamuno jajikulungwa janajilesile nakaweje kuti najipangisye,ana mpaka ngululuchidwe ilewi yangu? Ni Mtume-chanasa ni utendele wa Mlungu iwe pa jwelejo-wawechete kwa mundujo kuti : Ana mwe ngawa mkusawichila umboni kuti pangali jwine jwakuwajilana kupopeledwa mwa chakuonadi ni ikaweje Mlungu jumope basi nikuti soni Muhammad awele Mtume jwakwe? wam'bwilichisyе mundujo malowe gelega katatu. Ni mundujo wamjanjile Mtume kuti : E, ngusawichila umboni. Ni Mtume-chanasa ni utendele wa Mlungu iwe pa Mtumejo-wansalile ya umbone wa malowe gakuwichila umboni ya ujikape wa Mlungu pakuwajilwa kupopeledwa ni kulupilila ya utume wa Muhammad, ni yanti malowe galega gasasimasya sambi siwatesile mundu mu nyuma mwakwe, nikuti soni kuwujila kwampaka aujile mundu mwa Mlungu,ikusasimasya ilewi yawatesile mu nyuma mwakwe.

النّجّات الخيريّة
ALNAJAT CHARITY

